

金匱玉函經二注

金匱玉函經二註卷十六

朱趙以德衍義

吳門周揚俊補註

廣寧丁思孔定

二然朱陶性校印

驚悸吐衄下血胸滿瘀血第十六

脈證十二條
方五首

寸口脈動而弱動卽爲驚弱則爲悸

論

心者君主之官神明出焉不役形不勞心則精

氣全而神明安其宅苟有所傷則氣虛而脈動動

則心悸神惕精虛則脈弱弱則怔忡恐悸蓋驚自

外物觸人而動屬陽陽變則脈動悸自內恐而生

屬陰陰耗則脈弱是病宜和平之劑補其精氣鎮

其神靈尤當處之以靜也

師曰尺脈浮日晴暈黃衄未止暈黃去日晴慧了知衄今止

一 衄尺以候腎屬水土尅之則合相火逼其陰血從膀胱而升故脈浮也腎之精上榮瞳子膀胱之脈下額中而作衄故暈黃退而血亦降所以知衄止也明理腎主陰血統屬之傷寒衄者責邪在表經絡熱盛壅出雜病衄者責邪在裏也心主血肝藏血肺主氣開竅于鼻血得熱則散隨氣上逆從鼻中出則爲衄此云尺浮不云寸日浮非爲腎虛血

逆非外邪也

又曰從春至夏衄者太陽從秋至冬衄者陽明

論內經太陽爲開陽明爲閤春夏氣主發生以開者應之故邪氣逼血從升發冲出秋冬主收藏以閤者應之故邪鬱內極而後發出衄爲陽盛獨不言少陽以太陽陽明二經皆上交額中故也

衄家不可發汗汗出必額上陷脈緊急直視不能眴不得眠

論足太陽經主表上巔入額貫目睛衄在上絡脈之血已脫若更發汗是重竭津液津液竭則脈枯

故額上陷脈緊急牽引其目視不能合也無血陰
虛故不得眠然亦有當汗傷寒論云脈浮緊不發
汗因致衄者宜麻黃湯又云太陽病脈浮緊發熱
身汗自出者愈是經中之邪散不待桂枝麻黃發
之也明理論衄者但頭汗出無汗及汗出不至足
名死

病人面無血色無寒熱脈沉弦者衄脈浮弱手按之
絕者下血煩欬者必吐血

瀰面色者血之華也血充則華鮮若有寒熱則損
其血致面無色也今無寒熱則自上下去血而然

矣夫脈浮以候陽沉以候陰只見沉弦浮之絕不見者是無陽也無陽知血之上脫脈止見浮弱按之絕無者是無陰也無陰知血之下脫煩欬吐血者心以血安其神若火擾亂則血湧神煩上動於膈則欬所湧之血因咳而上越也然則沉之無浮浮之無沉何便見脫血之證乎以其面無色而脈弦弱也衄血陽固脫矣然陰亦損所以浮之亦弱經曰弱者血虛脈者血之府宜其脫血之處則無脈血損之處則脈弦弱也

夫吐血欬逆上氣其脈數而有熱不得臥者死

此金水之藏不足故也外不足則火浮焰浮焰則金傷夫陰血之安養於內者腎水主之水虛不能安靜被火逼逐而血溢出矣血出則陽光益熾有升無降炎燥肺金金受其害因欬逆而上氣金水子母也子衰不能救母母亦受害不能生子二者之陰有絕而無復脈動身熱陽獨勝也不能卧陰已絕也陰絕陽豈獨生乎故曰死也若得卧者如內經於司天與陽明厥逆諸條悉有喘欬身熱嘔吐血等證未嘗言死蓋陰未絕也

夫酒客欬者必致吐血此因極飲過度所致也

酒性大熱客焉不散則肝氣不清胃氣不守氣
於胸中中焦之血不布於經絡聚而洶湧因熱射
肺爲欬從其欬逆之氣溢出也此傷胃致吐血者
寸口脈弦而大弦則爲減大則爲芤減則爲寒芤則
爲虛寒虛相擊此名曰革婦人則半產漏下男子則
亡血

髓成無已謂減爲寒者謂陽氣少也芤爲虛者謂
陰血少也所謂革者旣寒且虛則氣虛血乖不循
常度男子得之爲真陽衰而不能內固故主亡血
女子得之爲陰血虛而不能滋養故主半產漏下

此條出第二卷婦人證有旋覆花湯

亡血不可發其表汗出則寒慄而振

亡血則已傷營不可發汗以傷衛若汗則營衛
兩傷營行脈中衛行脈外營虛則經脈空而爲之
振衛虛則不溫腠理而寒慄

亡陽傷寒云亡血卽亡陰也陰亡則陽氣孤而無偶
纔一發汗其陽必從汗盡越所以寒慄有加陰陽
兩竭也大法宜小建中湯

病人胸滿脣痿舌青日燥但欲漱水不欲嚥無寒熱
脈微大來遲腹不滿其人言我滿爲有瘀血

是證瘀血何邪致之耶內經有墮心惡血留內
腹中滿脹不得前後又謂大怒則血菀於上是知
內外諸邪凡有所搏積而不行者卽爲瘀血也脣
者脾之外候舌者心之苗脾脈散舌下胃脈環口
旁心主血脾養血積則津液不布是以唇痿舌青
也口燥但欲漱水不欲嚥者熱不在內故但欲嗽
以潤其燥耳脈大爲熱遲爲寒今無寒熱之病而
微大者乃氣并於上故胸滿也遲者血積膈下也
積在陰經之隧道不似氣積於陽之育膜然陽道
顯陰道隱氣在育膜者則壅脹顯於外血積隧道

惟閉塞而已故腹不滿因閉塞自覺其滿所以知瘀血使然也

病者如熱狀煩滿口乾燥而渴甘脈反無熱此爲陰伏是瘀血也當下之

血陰也配于陽神得之以安氣得之以和咽得之以潤經脈得之以行身形之中不須臾離也今因血積神無以養則煩氣無以和則滿口無以潤則燥腸胃無以滌則渴是皆陽失所配營衛不行津液不化而爲是病也非陽之自強而生熱者故曰如熱狀

火邪者桂枝去芍藥加蜀漆牡蠣龍骨救逆湯主之

桂枝去芍藥加蜀漆牡蠣龍骨救逆湯方

桂枝

去皮三兩

甘草

炙二兩

生薑

三兩

蜀漆

三兩洗

龍骨

四兩

牡蠣

五兩

大棗

十二枚

右爲末以水一斗二升先煮蜀漆減二升內諸藥煮取三升去滓溫服一升

論此但言火邪不言何證考之卽傷寒證脈浮翳以火逼劫之亡陽必驚狂起卧不安者成無已註是方曰汗者心之液亡陽則心氣虛心惡熱邪內迫則心神浮越故驚狂卧起不安與桂枝湯解未

盡表邪芍藥益陰非亡陽所宜故去之火邪錯逆
加蜀漆之辛以散之陽氣亡脫加龍骨牡蠣之滯
以固之

心下悸者半夏麻黃丸主之

半夏 麻黃

右二味末之煉蜜和丸如小豆大飲服三丸日服三

回悸者心中惕惕然動怔忡而不安也悸有三種

傷寒有正氣虛而悸者又有汗下後正氣內虛邪

氣交擊而悸者病邪不同治法亦異正氣虛者小

建中湯四逆散加桂治之飲水多而悸者心為火

悸為陰邪
所困而心氣
不足悸即
者痰飲也
故以半夏
主之而合
麻黃老痰
非麻黃不
去也

而惡水不自安而悸也汗下後正氣內虛邪氣交
擊而悸者與氣虛而悸又甚焉治宜鎮固或化散
之皆須定其氣浮也原病式又謂是病皆屬水衰
熱旺風火燥動於中故怔忡也若驚悸亦以火藥
劫金不能平木風火相搏而然欲究心悸之邪則
非一言可盡也或因形寒飲冷得之夫心主脈寒
傷營則脈不利飲冷則水停水停則中氣不宣脈
不利由是心火鬱而致動用麻黃以散營中寒半
夏以散心下水耳首論以脈弱爲悸而用此湯治
者其脈必不弱非弦卽緊豈脈弱心氣不足者猶

得用此藥乎

吐血不止者栢葉湯主之

栢葉湯方 本草有阿膠

栢葉

乾薑各三

艾把

右三味以水五升取馬通汁一升合煎取一升分
温再服

論夫水者遇寒則沉潛於下遇風則波濤於上人

身之血與水無異也得寒而和則居經脈內養五

藏得寒之凜冽者則凝而不流積而不散得熱之

和者則運行經脈外充九竅得熱之甚者風自火

以茶重不止
二守自止諸
寒者不止血
葉以不止
矣吐血不止
由陽虛不
能導血歸
經蓋血亡而
陰虛於指
葉之最者
陰者為君
火者為臣
臣而臣則美
腹胃為臣
通導大便不
為使

接千金方以先
 見血後見便
 居遠血宜服
 黃土湯先見
 便後見血
 為逆血宜服
 赤小豆黃芩湯
 散張石動
 以金匱先經
 字倒為傳也
 主誤因胃中
 受冷不能化
 血先期皆遠
 而下故宜先
 土湯溫之也
 大腸受寒不

狂則波濤湧起由是觀之吐衄者風火也

下血先便後血此遠血也黃土湯主之附

地黃 黃芩 附子 阿膠 白朮 甘草 各三

兩 黃土 以水八升煮取三升分溫三服

腸胃者陽明二經也陽明主閤氣本收斂血上

者為逆下者為順以下血者言之胃居大腸之上

若聚於胃必先便後血去肛門遠故曰遠血若聚

大腸去肛門近故曰近血雖腸胃同為一經然胃

屬土所主受納轉輸大腸屬金所主傳送而土則

喜溫惡濕金則喜寒惡熱二者非惟遠近之殊其

喜溫惡濕金則喜寒惡熱二者非惟遠近之殊其

金匱要略卷之十一
下板宜重
之

金匱要略卷之十一

喜惡亦異治遠血者黃土湯主之然則血聚於胃者何也蓋血從中焦所化土行于營以配於衛營衛之流連變化實胃土所資也胃與脾爲表裏胃虛不能行氣于三陽脾虛不能行津于三陰氣日以衰脈道不利或痺而不通於血中積隨其逆而出或嘔或吐或衄或泄也若欲崇土以求類莫如黃土黃者土之正色更以火燒之火乃土之母其得母燥而不濕血就溫化則所積者消所溢者止阿膠益血以牛是土畜亦是取物類地黃補血取其象類甘草白朮養血補胃和平取其味類甘草

赤小豆最通下
肝氣為通氣
神藥如左
其方通暢肝
今之血而補
之

緩附子之熱使不僭上。是方之藥不惟治遠血而
已。亦可治久吐血。胃虛脈遲細者。增減用之。蓋胃
之陽不化者。非附子之善走。不能通諸經脈。散血
積也。脾之陰不理者。非黃芩之苦。不能堅其陰。以
固其血之走也。黃芩又制黃土附子之熱。不令其
過。故以二藥為使。

下血先血後便。此近血也。赤小豆當歸散主之。方缺

論此出大腸。故先血後便。以濕熱之毒蘊結不入。

於經滲於腸中而下。赤小豆能行水濕。解熱毒。梅
師方皆用此一味。治下血。況有當歸破宿養新以

經熱便血者
清氏所謂太
陰積熱久而生
溼從而下流也
以直者歸散主
之若但熱而無
色鮮連瀉散
主之

赤豆湯散
右二味各力散
藥水服方寸匕
日三服

連瀉散
生地 當歸 白芍
枳殼 川芎 桂枝
黃芩 芍藥 連瀉
黃連 黃芩 黃連
黃連 黃芩 黃連

名義觀之血當有所歸則不妄行矣
心氣不足吐血衄血瀉心湯主之

瀉心湯方

黃連

黃芩

各一兩

大黃

二兩

右三味以水三升煮取一升頓服之

瀉心者屬火主血心氣不足者非心火之不足乃

真陽之不足也真陽不足則火熱甚而心不能養

血血從熱溢為吐衄大黃黃芩本草治血閉吐衄

者用之而傷寒家以瀉心湯之苦寒瀉心下之痞

滿是知此證以血由心熱而溢瀉其心之熱而血

自安矣如麻黃桂枝治衄寒邪鬱其經脈化熱迫
成衄也故散寒邪寒邪散則熱解熱解則血不被
迫而自安矣此用瀉心湯正其義也若濟衆方用
大黃治衄血更有生地汁則是治熱涼血亦瀉心
湯類耳

卷十六終

金匱玉函經二註卷十七

朱趙以德衍義

吳門周揚俊補註

廣寧丁思孔定

二然朱陶性校印

嘔吐噦下利病脈證治第十七

論一首脈證二十
七條方二十三首

夫嘔家有癰膿不可治嘔膿盡自愈

論上卷肺癰證必先咳而久久吐膿如米粥桔梗

湯白散皆主之而此不言癰之所在知其非肺癰
可知經曰熱聚于胃口而不行胃脘爲噎胃脘屬
陽明經陽明氣逆則嘔故膿不自欬出從嘔而出
膿亦不似肺癰之如米粥者也出胃脘從濕化而

聚結若如結痰蛤肉者謂不可治不必治其嘔嘔
自膿之瘀薰蒸穀氣故嘔若膿出則嘔自愈夫癰
之在胃脘上口者則然若過半中在肺之下者膿
則不從嘔出而從大便出矣

先嘔却渴者此爲欲解先渴却嘔者爲水停心下此
屬飲家嘔家本渴今反不渴者以心下有支飲故也
此屬支飲

難傷寒言嘔多有因因熱因寒因水因飲皆屬胃
家病此獨以水飲者分三節言之初一段先嘔却
渴者爲飲而嘔嘔則飲去飲去則陽氣回津液猶

未布故渴耳。雖渴終以邪去正回而必解也。第二段先渴却嘔者，卽前痰飲條中小半夏茯苓湯主之。第三段本渴今反不渴亦痰飲條中小半夏茯苓湯主之。

問曰：病人脈數數爲熱，常消穀引食而反吐者何也？師曰：以發其汗，令陽微，膈氣虛，脈乃數數爲客熱，不能消穀，胃中虛冷故也。脈弦者虛也，胃氣有餘，朝食暮吐，變爲胃反寒，在於上醫反下之，令脈反弦，故名曰虛。

【補】凡脈以候病，陽盛則數，陰盛則遲。今言陽微而

脈數數而復胃中冷其理安在蓋脈病不可以概論也此數由藥之遺熱所客胃中冷由陽不足而致何也中焦者陰陽之界汗劑必用辛溫發散不當汗而汗損其中脘陽分致令陽微膈氣虛藥之遺熱從陰分而變遂成數脈故云客熱非陽盛也雖有客熱胃中之陽氣不足故曰胃中虛冷也醫反以寒劑瀉之復損陰分之陽故脈變弦上下之陽俱不足雖當日暮行陰之時陽亦不能入於下則糟粕不能輸大小腸不能輸將亦不能安於中必吐而復出也故曰胃氣有餘朝入而暮吐也

寸口脈微而數微則無氣無氣則營虛營虛則血不足血不足則胸中冷

論此條叙脈不叙證何也上條以脈數爲客熱此獨言氣血虛又何也亦承上條而言也上條以汗下之過而致病脈之若是此條以上焦營衛之不逮亦致反胃之證故不復叙惟言脈之本象陽脈動而健陰脈靜而翕兩者和合不剛不柔不疾不遲今微而數微乃失陽之象數乃失陰之體奚止客熱而已胸中營衛之海營衛虛而不充於中故胸中冷矣夫營衛之氣出入藏府健運周身本生

於穀復消其穀營衛非穀不實穀非營衛不化所以胸中冷者亦必致胃不納穀也王冰釋內經曰食入反出是無火也雖然謂之冷當以正氣不足論之正氣者陰陽之精非寒非熱冲和純粹不宜以之爲冷與寒邪同治若以熱治寒不惟反助客熱且復耗其氣損其陽矣所謂客熱者不獨以上條藥之所遺若五藏厥陽之火乘尅於中土者皆是。以客之況多得於七情鬱發之所致歟夫膏粱之變皆足成客熱安可復授之以熱乎吁世八治是病非丁附則薑桂孰知正氣果何如則復也哉

跌陽脈浮而濇浮則爲虛濇則傷脾脾傷則不能瘳
朝食暮吐暮食朝吐宿穀不化名曰胃反脈緊而濇
其病難治

論跌陽者胃脈之所過故候胃脈必於是焉脾與
胃以膜相連皆屬於土土有陰陽胃爲陽土脾爲
陰土陽主氣主動陰主血主靜今謂脾傷不能磨
何哉此陰陽互爲體用之義也蓋陽參於陰則陰
能動而不爲凝結陰參於陽則陽能固而不爲飛
揚斯脾動則脈不濇胃固則脈不浮若浮則胃家
虛而穀不能腐熟濇則脾血傷而穀不得消磨所

以在朝當陽時食入者至暮行陰時反出在暮當陰時食入者至陽時亦出以其兩虛不能叅合莫得轉輸於大小腸也河間云跌陽脈緊爲難治胃之上脘血亡則并膈間皆滯不利食不下入脾統血血亡并大小腸皆枯而糟粕不入食雖入必反出也

病人欲吐者不可下之

齟欲吐以其邪在陽也若下不惟逆其治陽又反傷其無過之陰豈獨反胃而已其爲害可勝言哉噦而腹滿視其前後知何部不利利之則愈

嘔噦者無物有聲之謂也腹滿爲實實則氣上逆而作噦故必審其證視前後何部以利之則滿去而噦自止矣

嘔而胸滿者茱萸湯主之

茱萸湯方

吳茱萸

洗一升

人參

三兩

生薑

六兩

大棗

十二枚

右四味以水五升煮取三升溫服一升日三服

傷寒以是方治食穀欲嘔陽明證以中焦反寒

也吳茱萸能治內寒降逆人參補益陽氣大棗緩脾生薑發越胃氣且散逆止嘔逆氣降胃之陽行

則腹痛消矣此脾藏陰盛逆胃與夫腎肝下焦之
寒上逆於中焦而致者卽川是方治之若不於中
焦其藏久寒者則以木藏藥化之如厥陰手足厥
冷脈細欲絕內有久寒者於當歸四逆加吳茱萸
生薑是也

乾嘔吐涎沫頭痛者茱萸湯主之

論此證傷寒厥陰證中成註乾嘔吐涎沫者裏寒
是也頭痛者寒氣上攻也用是溫裏散寒與上條
嘔而腹滿者病異藥同蓋同是厥陰乘於土故也
嘔而腸鳴心下痞者半夏瀉心湯主之

半夏瀉心湯方

半夏

黃連

人參

乾薑

甘草

黃芩

大棗

右七味以水六升煮取三升溫服一升日三服

傷寒論嘔而心下痞者有屬半表半裏亦有屬

裏半表半裏者瀉心湯治屬裏者則以十棗湯大

柴胡湯如心下痞腹中鳴有水氣不利則以生薑

瀉心湯治有下利完穀不化則以甘草瀉心湯治

治痞惡寒汗出者用附子關上脈浮者用大黃心

下痞又不獨瀉心湯治或用解表或用和裏或吐

或利或調虛氣隨所利而施治自今觀之是證由
陰陽不分塞而不通留結心下爲痞於是胃中空
虛客氣上逆爲嘔下走則爲腸鳴故用是湯分陰
陽水升火降而留者散虛者實成註是方連苓之
苦寒入心以降陽而升陰也半夏乾薑之辛熱以
走氣而分陰行陽也甘草參棗之甘溫補中而交
陰陽通上下也

嘔而利者黃芩加半夏生薑湯主之

黃芩加半夏生薑湯方

黃芩三兩

甘草

芍藥各二兩

大棗十二枚

半夏

生薑

右六味水六升煮取三升溫服一升日三服

論傷寒論太陽與少陽合病自下利若嘔有黃芩

加半夏生薑湯主之成註太陽陽明合病自下利

為在表與葛根湯發汗陽明少陽合病自下利為

在裏可與承氣湯下之太陽少陽合病為半表半

裏則以是湯和解之論方藥主治則曰黃芩之苦

芍藥之酸以斂腸胃之氣獨甘草大棗之甘補固

腸胃之弱半夏生薑散逆也

諸嘔吐穀不得下者小半夏湯主之

嘔吐穀不得下者有寒有熱不可概論也屬熱者王冰所謂穀不得入是有火也此則非寒非熱此中焦停飲氣結而逆故用小半夏湯

嘔吐而病在膈上後思水者解急與之思水者猪苓散主之

猪苓散方

猪苓

茯苓

白朮各等分

右三味杵爲散飲服方寸匕日三服

傷寒論太陽病發汗後胃中乾欲得水者少少與之令胃中和則愈若小便不利微熱消渴者不

可與以汗多胃中燥猪苓湯復利其小便故也
來嘔吐膈汗之走津液也隔上猶表也用何藥不
同如是豈二方以邪內連下焦故不用澤瀉滑石
阿膠猪苓之味潛從膈上肺部滲其所積之飲又
防水入停腹白朮和中益津使其水精四布去故
就新藥必味多但用之得其當而已

嘔而脈弱小便復利身有微熱見厥者難治四逆湯
主之

四逆湯方

附子一枚切

乾薑

甘草炙各二兩

右三味以水三升煮取一升二合去滓分溫再服
強人可大附子一枚乾薑三兩

穀入於胃長養於陽脈道乃行今胃不安於穀
以致嘔故其氣不充于脈則脈弱下焦虛則小便
自利迫陽于表則微熱經脈虛則寒歷夫陽者一
身之主內外三焦虛寒如此誠難治苟有可回之
意必以四逆同陽却陰也

嘔而發熱者小柴胡湯主之

論傷寒論出太陽證又出厥陰證小柴胡湯本少
陽半表半裏藥也何爲太陽厥陰亦治之蓋太陽

傳裏而未盡入厥陰受傳而未盡受二者俱在半表半裏之間故嘔而發熱病同方亦同也自此而言病之半表半裏豈獨傷寒有哉故更集要略

胃反嘔吐者大半夏湯主之

千金云治胃反不受食之入即吐外臺云治心下痞數

大半夏湯方

半夏二升

人參三兩

白蜜一升

右三味以水一斗二升和蜜揚之二百四十遍煮

取二升半分溫再服

論陽明燥金也與太陰濕土為合府藏不和則濕

自內聚為痰為飲燥自外欬為胃脘癰立府乾涸

而胃之上脘尤燥故食難入雖食亦反出也半夏
解濕飲之聚結分陰陽散氣逆人參補正蜜潤燥
以水揚之者內經云清上補下治之以緩水性走
下故揚以緩之佐蜜以潤上脘之燥也

食已即吐者大黃甘草湯主之

外臺又治吐水

大黃甘草湯方

大黃四兩

甘草一斤

右二味以水三升煮取一升分溫再服

論曰胃氣生熱其陽則絕蓋胃強則與脾陰相絕
絕則無轉運之機故食入即吐也用大黃瀉大熱

甘草和中耳

王宇泰先生曰病人欲吐者不可下之又用大黃甘草治食已卽吐何也曰欲吐者其病在上因而越之可也而逆之使下則必抑塞憤亂而益以甚故禁之若旣已吐矣吐而不已有升無降則當逆而折之引令下行無速於大黃故取之也

胃反吐而渴欲飲水者茯苓澤瀉湯主之

茯苓澤瀉湯方

外臺澤瀉湯即此方及者有小麥一升

茯苓

半斤

澤瀉

四兩

白朮

三兩

甘草

二兩

桂枝

二兩

生薑

四兩

右六味以水一斗煮取三升內澤瀉再煮去滓二升半溫服八合日三服

嘔胃反吐津液竭而渴矣斯欲飲水以潤之更無小便不利而用此湯何哉蓋陽絕者水雖入而不散于脈何以滋潤表裏解其燥鬱乎惟扶苓之澹行其上澤瀉之鹹行其下白朮甘草之甘和其中桂枝生薑之辛通其氣用布水精于諸經開陽存陰而治營衛也

吐後渴欲得水而貪飲者文蛤湯主之兼主微風脈

緊頭痛

文蛤湯方

文蛤兩五

麻黃

甘草

生薑各三兩

石膏兩五

杏仁五十粒

大棗十二枚

右七味以水六升煮取二升溫服一升汗出即愈
繭是湯即大青龍去桂枝加文蛤也大青龍主發
散風寒兩受此證初無外邪而用之何哉夫天地
之氣人之飲食之氣分之雖殊合之總屬風寒濕
熱之氣化耳足太陽膀胱本寒水之經也先因胃
熱而吐用竭其津遂渴欲飲水飲多則水氣內凝
其寒外應而腠理閉矣故將文蛤散水寒麻黃杏

仁開腠理利肺氣甘草薑棗發營衛石膏解肌表
內外之鬱熱也而又謂主微風脈緊頭痛者何蓋
風熱循膀胱上入顛覆其清陽則爲頭痛而腎邪
亦從而泛溢故同一主治也

乾嘔吐逆吐涎沫半夏乾薑散主之

半夏乾薑散方

半夏

乾薑等分

右二味杵爲散取方寸匕漿水一升半煮取七合
頓服之

乾嘔吐涎沫者由客邪逆於肺肺主收引津液

不布遂聚爲涎沫也用半夏乾薑之辛熱溫中燥濕凝水之寒收而行之以下其逆則其病自愈矣病人胸中似喘不喘似嘔不嘔似噦不噦徹心中憤憤然無奈者生薑半夏湯主之

生薑半夏湯方

生薑汁一升

半夏半升

右二味以水三升煮半夏取二升內生薑煮取一升半小冷分四服日三夜一嘔止停後服

蓋夫陽受氣於胸中布氣息爲呼吸胸中心肺之分清氣之道也陰邪閉之則阻其呼吸往來令氣

或促或搏或逆有似乎喘嘔與噦也且心舍神者也聚飲停痰則神不寧故徹心憤憤然無奈也用半夏之辛溫燥其濕飲生薑之辛熱散寒折逆則陽得以布氣得以調斯病可愈耳 按此方與小半夏湯相同而取意少別小半夏湯宣陽明之氣上達故用半夏爲君生薑爲佐半夏湯通陽明之經故用薑汁爲君半夏爲佐取其行於經絡故用汁也

乾嘔噦若手足厥者橘皮湯主之

橘皮湯方

橘皮兩四

生薑片

右二味以水七升煮取三升溫服一升下咽即愈
噦逆者橘皮竹茹湯主之

橘皮竹茹湯方

橘皮

竹茹各二升

大棗三十枚

生薑片

甘草兩五

人參兩一

右六味以水一斗煮取三升溫服一升日三服

論中焦者脾胃也土虛則在下之木得以乘之而
穀氣因之不宜變為噦逆用橘皮理中氣而升降
之人參甘草補土之不足生薑大棗宣發穀氣更

散其逆竹茹性涼得金之正用之以降膽木之風
熱耳

夫六府氣絕於外者手足寒上氣腳縮五藏氣絕於
內者利不禁下甚者手足不仁

論六府主表爲陽五藏主裏爲陰陽爲衛陰爲營
六府絕衛先不行於外故手足寒陽主升在息爲
呼朴絕則氣上出出而不返則下絕下絕則筋急
故腳蹇縮也五藏絕營先不行於內則陰氣去去
便屬陰故下利不禁甚則血離於外故手足不仁
下利脈沉弦下重脈大者爲未止脈微弱數者爲欲

自止雖發熱不死

羅仲景傷寒論厥陰證中註云沉爲在裏弦爲拘急裏氣不足主下重脈大則病進此利未止脈弱數者邪氣微而陽氣復爲欲自止雖發熱正由陽勝非邪逆也成一作如此然弱陰不敵所回之陽發熱甚者亦必治之但不死而已恐亦不宜大熱內經曰下利發熱者死雖然不惟厥陰少陰下利亦然傷寒論謂脈緊下利脈暴微手足溫利自愈又謂下利手足不逆冷反發熱者不死是皆陰下利者說也非滯下之利滯下則多熱若更發熱必難治

下利手足厥冷無脈者灸之不溫若脈不還反微喘者死少陰負跌陽者順也

論手足諸陽之本十二經脈之所由起也論曰脈者血之府氣主煦之血主潤之是氣司脈之動息血充脈之形體也血不自至必氣以運之氣卽陽也火也若陰寒之氣盛則陽火之氣衰不能布散通於經脈津液亦不行聚而下利所以脈無而手足冷矣若殘陽尚根於中未竭於藏者則以艾灸接引孤宿之火布散經脈手足溫則生其陽已絕於藏止息呼吸之息用艾灸之無根之陽反從艾

火上炎奔迫爲喘而脫矣故死夫跌陽胃脈土也少陰腎脈水也負者尅也若少陰受負於跌陽是後天之陽尚存陰寒猶可回也仲景謂下利脈不出者屬少陰灸少陰穴此雖不言所灸之處繫厥陰證中集於必當灸厥陰之穴也

下利有微熱而渴脈弱者今自愈

論此條亦在厥陰證中以上條發熱下利觀之若同而異以脈弱數爲陽復而陽勝惟言不死耳此脈獨弱乃陰退陽復在表作微熱在裏作渴終不與熱甚更勝者同故曰自愈雖然病在乎審察毫

證不惟熱有微甚渴亦不可一途論也如少陰傷寒五六日自利而渴小便白者則爲腎虛引水自救病之變端豈一言可盡乎

下利脈數有微熱汗出今自愈設脈緊爲未解

證厥陰證中註謂下利陰證也脈數陽病也陰病見陽脈者生微熱汗出陰氣得通也雖然本經亦自有陰陽退復之義何也內經曰厥陰之下中見少陰厥陰者兩陰交盡而陽乃復陰是其本陽是其標從本則寒從標則熱所以厥陰不治標本從乎中治此下利者是其本之陰寒過也微熱是其

標之陽火復也復則內之陰邪從而之表發熱汗出而散散則標本和而治自愈設脈緊爲寒勝故未解

下利脈數而渴者今自愈設不差必圉膿血以有熱故也

經仲景少陰證中下利便膿血者悉屬虛寒以桃花湯主治留聚者刺之此厥陰圉膿血者何蓋爲脈數而有熱也少陰桃花主者脈必不數也此熱非先有熱初因陰盛而後陽復勝之故數脈數而渴今自愈以陽復而可退其陰寒也更不差則是

復之過更勝其陰逐陽熱而清膿血也非若上條
微熱而渴脈弱者脈弱則熱不甚不甚則不能更
勝惟與陰和而已脈數下利又不止故成協熱也
下利脈反弦發熱身汗者自愈

論此脈初不弦後乃弦故曰脈反弦弦者必輕虛
春脈也見少陽之氣升發矣陽氣久爲陰寒所覆
下陷聚液成利一旦得升發之攻其陰邪從而之
表發汗而散故利自愈與上條脈數微熱汗出不
同其自表而解之義則同也

下利氣者當利其小便

論下利氣者氣與邪俱下也由氣不化以致水穀不分并于下集而成利然陰前通則陽氣行氣行則水穀分而利止矣

下利寸脈反浮數尺中自濇者必圊膿血

論此證傷寒厥陰篇中云寸以候陽尺以候陰陽爲氣陰爲血下利本屬陰寒之病當脈沉今反寸脈浮數則是陽盛於上而下不與陰和陰血也血不得與氣和則不榮經不藏於肝則散入腸胃故尺脈濇血積爲膿也須用利而出之

下利清穀不可攻其表汗出必脹滿

綱成註下利者屬胃虛也胃爲津液之府發汗亡液故胃愈虛必脹滿固也何仲景不叙陽明太陽病中而叙於厥陰證蓋有說焉清穀非餐泄歟內經曰清氣在下則生餐泄清揚之氣卽蒼天之氣自肝木而生少陽主生氣者也其氣當升發於上若反入於下則穀氣升轉不得舉矣故食入則完出清陽下陷卽少陽伏於厥陰之中今不從厥陰起其少陽乃反攻無辜之表強發胃中穀氣之津液故虛其胃而作脹滿也

補厥陰下利與竟下利有別何以名厥陰以邪傳

是經耳經何以下利以厥陰經雖非藏由裏行故厥陰必下利也厥陰下利有本經現證何謂不氣於太陽陽明病中如二陽經亦有下利此爲協熱乃先救裏之說在何先生亦昧此

下利脈沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

論成註下利清穀脈沉而遲裏有寒也面少赤身有微熱表未解也病人以下虛漸厥表邪欲解臨汗之時以裏氣先虛必鬱冒然後汗出而解以余

觀之仲景叙六經形證未嘗不由表而入裏豈可
便以身微熱爲表邪未解乎寧知不因邪入厥陰
也厥陰氣化爲裏寒格陽於外而然也裏寒則下
利清穀必微厥陽格於外則身微熱格於上則面
赤故曰面戴陽而下虛下虛者爲下無陽也然陽
欲復必深入與陰爭陰雖不得拒格然猶散走發
其陽而陽不得宣通怫熱神昏故爲鬱冒鬱冒然
後陽勝而陰出爲汗矣

下利後脈絕手足厥冷晬時脈還手足溫者生脈不
還者死

脈亦在厥陰證中脈者氣血之候下利脈絕不惟
無陽亦且無陰氣血養神者也氣血亡其脈亦絕
晬時復還手足溫此可見氣血暫息耳故生脈不
還則亡矣故死所謂生者非不治自生救其氣血
止其利也如前條無脈而厥灸之者亦是治之而
生又少陰下利清穀手足厥逆脈微欲絕者以通
脈四逆治利止脈不出加人參補正以救其亡血
病有二經之異然厥而無脈則一此證利止手足
溫脈還始可治

下利腹脹滿身體疼痛者先溫其裏乃攻其表溫裏

宜四逆湯攻表宜桂枝湯

論出厥陰證中蓋內有虛寒故下利腹脹滿表邪未解故身體疼痛以下利爲重先治其裏後治其表若傷寒論太陽證以醫下之續得下利清穀身疼痛者當先以四逆治其裏清便自調然後以桂枝救其表卽此意

下利三部脈皆平按之心下堅者急下之宜大承氣
論傷寒論堅作鞭註曰下利脈當微今反和者此爲內實也下利三部脈平此非和平之平氣下泄矣或有宿食寒熱結於中焦故鞭則邪甚也宜大

承氣下

下利脈遲而滑者實也利未欲止急下之宜大承湯
成註脈遲者食乾物得之滑者穀氣實脾胃不
消水穀以致下利者與大承氣去宿食利自止矣
下利脈反滑者當有所去下乃愈宜大承氣湯

論下利虛證也脈滑實證也以下利而反見滑脈
者當有所去也上章以內實而阻經氣故兼遲此
乃滑動而欲去故惟見滑然皆有形之實證故並
用大承氣

下利已差至其年月日時復發者以病不盡故也當

下之宜大承氣湯

論因四時之氣所感而爲積者必有所合之藏畜之病下利已去不盡非其時則所感之藏氣不主故積伏而不動再遇其時則乘主而動動則下利便作腸胃病積聚不盡故當下之

下利譏語者有燥屎也小承氣湯主之

論傷寒論凡譫語燥屎悉在陽明此獨出厥陰病成註譫語燥屎爲胃實下利爲腸虛不言厥陰之由何也嘗考陽明證無下利論惟與少陽合病者有之少陽木剋土而下利也若自利則爲陽陷下

必死然則傷寒以陽明無下利者陽明乃兩陽合
明屬熱其手經更屬之燥金經主合於是燥熱易
於閉結津液易於耗竭更遇邪熱入府熱甚則諸
語燥甚爲屎結故陽明無下利病也今下利多出
厥陰者乃兩陰交盡之極而復升如邪熱傳入於
陰腑而未得伸者遂從其陰降而爲下利矣故下
利證多少陰厥陰也蓋陽明燥金屈其木不得升
遂爲厥陰下利之證厥陰盡而變升者又是蒼天
之氣清淨清氣貴乎發越內經清氣在下則餐泄
也在傷寒邪熱所傳言之陽明無下利證若經氣

可屬者言之則陽明病下利亦多矣陽明與太陰
爲表裏盡屬於濕經曰濕勝則涌泄陽明又屬燥
金一藏一府亦常更勝太陰勝則內外俱濕故身
重而瀉陽明勝則燥熱鬱甚亦宜有燥屎焉不必
外之傳熱而後有也故宜下豈獨傷寒已哉

下利便膿血者桃花湯主之

桃花湯方

赤石脂

一斤半

乾薑

一斤

粳米

一斤

右三味以水七升煮米熟去滓溫七合內赤石脂
末方寸匕日三服一服愈止後服

瀉此少陰證少陰腎水也腎寒則水盛與血相搏
滲入腸間積久化腐遂成便膿成註下焦不約而
裏寒用赤石脂方寸七日三服一服愈卽止瀉以
固腸胃虛脫乾薑散寒粳米補胃然赤石脂在血
理血在水理水在脫則固在澁則行所以知其行
泣也本草用治難產胎衣不下乾薑非惟散寒且
能益寒止血欲諸藥入腸胃必粳米引之也雖然
有不可固者如云使膿血者可利利非行氣血乎
然氣血欲行者不可溫溫者不可行二者實相反
仲景兩出之後人不可不審也若成註陽明下利

便膿血者協熱也豈陰經病盡屬藏寒而不有其邪熱畜之者乎病邪相乘不可一言窮矣仲景不過互相舉例以俟後人之消息處治耳

熱利下重者白頭翁湯主之

白頭翁湯方

白頭翁二兩

黃連

黃柏

秦皮各三兩

右四味以水七升煮取三升去滓溫服一升不愈再服

此亦厥陰證中成注熱傷氣氣虛不利則後重下焦虛以絕苦之味堅之雖然後重不可概論前

條有下利沉弦者下重爲氣虛寒不能升舉也然
亦有熱傷爲氣滯閉塞者有血虛者有血泣者六
孔痛亦然不獨氣虛不能升也大率皆因燥氣外
鬱束歛所致劉河間謂下利由燥鬱腸胃之外濕
聚腸胃之內又謂血行則糞自止氣行則後重除
解燥鬱必分寒熱之微甚熱微用辛溫以行氣熱
甚用苦寒以治熱張子和歌曰休治風休治燥治
得火時風燥了血虛補之泣者行之血調則氣和
氣和則鬱解用苦寒以治燥寧獨堅其下焦之虛
乎要略於下利一證獨引傷寒少陰厥陰二論爲

多然其論中又先指何經今則去其經與各部所
病之原將謂傷寒有傳變之故雜病則不問其傳
否隨所病處而云故耳產後下利虛極亦用白頭
翁湯者可概見矣

下利後更煩按之心下濡者爲虛煩也梔子豉湯之
梔子豉湯方

梔子十四枚炒

香豉四合綿裹

右二味以水四升先煮梔子湯二升半內豉煮取
一升半去滓分二服進一服得吐則止

論傷寒論太陽病用藥下後而虛煩者仍知太陽

諸中此必自下利虛煩不由他故註所叙厥陰證中雖有二經之異然熱乘虛入客病煩則一皆用梔豉湯之苦吐其客熱也

下利清穀裏寒外熱汗出而厥者通脈四逆湯主之
通脈四逆湯方

甘草

二兩

乾薑

三兩

附子

一枚

葱白

四兩

右四味以水三升煮取一升二合去滓分溫再服
裏寒外熱格陽於外也陽不得內和故下利清穀陰不得外和故發身熱凡汗出於陰陽氣和則熱解此出於相格故熱不去而陽氣反虛不能布

於手足而厥不止者死發熱汗不止者亦死此二證兼之猶可治者爲其厥未至陽絕汗未至陰脫也方見解明理論矣然尙有可言者附子之熱走而不止通行經脈自裏達表以至手足汗止治厥也乾薑之熱止而不走內守府藏消穀養正溫補中氣以和陰陽解其拒格更調二藥之走止合適其用也

下利肺痛紫參湯主之

紫參湯方

紫參

甘草

右二味以水五升先煮紫參取二升內甘草煮取一升半分溫三服

論下利腸胃病也乃云肺病何哉此大腸與肺合故也大抵腸中積聚則肺氣不行肺有所積大腸亦不固二害互爲病大腸病而氣塞於肺者痛肺有積者亦痛痛必通用紫參本草謂主心腹積聚療腸胃中熱積九竅可通大小腸可利逐其陳開其道佐以甘草和其中外氣通則愈積去則利止註云非仲景方以紫參非仲景常用也

氣利訶梨勒散主之

訶梨勒方

訶梨勒十枚

右一味為散粥飲和頓服

論治病有輕重前言氣利惟通小便此乃通大便
蓋氣結處陰陽不同舉此二者為例六經皆得結
而為利各有陰陽也訶梨勒有通有澀通以下溼
消宿食破結氣澀以固腸脫佐以粥飲引腸胃更
補虛也

外臺黃芩湯治氣喘下利

黃芩三兩 人參三兩 乾薑三兩 桂枝一兩

卷十七終

大者二枚 半夏半升 右六味以水七升煮取三升

金匱玉函經二註卷十八

宋趙以德衍義

吳門周揚俊補註

廣寧丁思孔定

二然朱陶性校印

瘡癰腸癰浸淫病脈證并治第十八

論一首脈證三條方五首

諸浮數脈應發熱而反洒淅惡寒若有痛處當發其

關病之將發脈必兆之夫浮數陽也熱也浮數兼

見爲陽中之陽是其熱必盡顯於外矣而反洒淅

惡寒證實不應何哉必其血有凝滯氣不得越如

經所謂營氣不從逆於肉理乃生癰腫陽氣有餘

營氣不行乃發爲癰是也況其身已有痛處乎夫

脈之見者陽也其將發而痛者亦屬陽故曰當癰
師曰諸癰腫欲知有膿無膿以手掩腫上熱者為有
膿不熱者為無膿

論邪客經絡則血必至於泣泣則衛氣歸之不得
反覆於是寒鬱則化熱熱勝則肉腐而為膿欲知
成膿與否以手掩其上熱則透指否則未也師之
所以教知者蓋已成欲其潰未成托之起也

腸癰之為病其身甲錯腹皮急按之濡如腫狀腹無
積聚身無熱脈數此為腸內有癰膿意以附子敗毒
散主之

淫氣發於五臟
內勢將成
癰而後起
外發其病
內發其病
夫癰無積聚
是內熱也
身無熱則

考方楊正格

在內之熱行甚

之熱也其行甚

數不無有勝

肉生癰積可用

附子之理非

然蓋與血脈在

腸外者內有根

而外無根全者

易何有根者教

其附子之正實

結僅十七分二

選以附子敗醬散方

慧以仁十分

附子分二

敗醬分五

右三味杵為末取方寸匕以水二升煎減半頓服

小便當下

血積於內然後甲錯於外經所言也腸癰何故

亦然耶癰成於內血泣而不流也惟不流氣亦滯

遂使腹皮如腫按之仍濡雖其患在腸胃間究非

腹有積聚也外無熱而見數脈者其為癰膿在裏

可知矣然大腸與肺相表裏府病而或上移於藏

正可虞也故以保肺而下走者使不上乘附子辛

或得腸癰將散
用附子連理湯
藥及用硝黃何如
蓋腸癰者
腸小腸者水
表難長也
太陽寒水之
府腫痛病
在大腸大腸
者有浮機也
水在力陽明
金之府太陽者
多血少氣陽明
者多氣多血
陽明者
陽血虛者
芒硝三
之易為燥
之太陽者
則何以淫其力
太陽與陽明

散以逐結敗醬苦寒以祛毒而排膿務令膿化為

水仍從水道而出將血病解而氣亦開抑何神乎

腫痛者少腹腫痛按之即痛如淋小便自調時發

熱自汗出復惡寒其脈遲緊者膿未成可下之當有

血脈洪數者膿已成不可下也天黃牡丹皮湯主之

大黃牡丹皮湯方

大黃兩

牡丹皮兩

桃仁五十

瓜子升

芒硝三

右五味以水六升煮取一升去滓內芒硝再煎

服有膿當下如無膿當下血

夫身無恙而所不
大陽也於熱汗自
出使自調陽邪
也服藥後小便
當下小熱也服
有熱當下
當下在太陽
金之府品名然
之區而所用者
苗猶不可
者非其
之府
最難化
即其
為之物
徑則用之可

腸癰而少腹不可按陽邪下結部位牽引也按
之如淋形容痛狀情所必至夫血病而氣不病故
小便自調然陽邪已盛衛氣斯虛遂發熱汗出而
畏寒也癰證如是治之者須以膿成未成爲異欲
知之法舍脈無由脈遲緊却未熱爲血瘀于內勿
使成膿下之須早非桃仁承氣湯乎脈若洪數者
則已成矣豈復有瘀可下此大黃丹皮以滌熱排
膿勢所必用也然內經曰腸癰爲病不可驚驚則
腸斷而死故患此者坐卧轉側理宜徐緩少飲稀
粥毋失調養斯善

問曰寸口脈浮微而濇法當亡血若汗出設不汗出者云何答曰若身有瘡被刀斧所傷亡血故也

補微則陽虛濇爲血虛定理也故濇則亡血陽微當汗出若不汗者云何知汗爲血液故汗多尚亡陽況去血乎然則驟爲刀斧傷者陰去而陽亦隨衰陽雖衰而不能復汗者亡血故也

病金瘡主不留行散主之

王不留行散方

王不留行

十分八月八日採取

蒴藿細葉

十分七月七日採取

桑東南根

胎皮十分三日取

川椒

三分除目及開口者去汗

按此方後原
本尚有非
浸淫瘡
方

甘草十八分 黃芩 乾薑 厚朴 芍藥各二分

右九味桑根皮以上三味燒灰存性勿令過各別
杵篩合餘為末服方寸匕小瘡即粉之大瘡但服
之產後亦可服如風寒惡寒根勿取之皆陰乾可
浸淫瘡從口流向四肢者可治從四肢流來入口者
不可治

從口向四肢由上及下由內及外散也火熱散
則易消反聚則難治因久久愈熱也經云夏脈太
過令人膚痛為浸淫蓋夏脈洪大心主火脈主心
也故曰三部洪數心家熱舌上生瘡唇破裂然必

非其時有其氣則然若立夏得洪大脈又非所論可知矣

浸瀉瘡黃連粉主之

黃連瀉手少陰之火火去而氣血自復矣

排膿散方 枳實十六枚 芍藥六分 桔梗二分

右三味杵為散取雞子黃一枚以藥散和雞黃相

得飲和服之日一服

排膿散方 要略注由坐滿才聚治瘡膿不從散者不相為

腸癰腫痛也

甘草二分 枳實二分 生薑一分 大枣十枚

卷十八終 右四味以水三升煮取一升分再服之今日再服

金匱玉函經二註卷十九

宋趙以德衍義

吳門周揚俊補註

廣寧丁思孔定

二然朱陶性校印

跌蹶手指臂腫轉筋陰狐疝虬蟲病脈證治第九

此係筋病故彙爲篇論一首脈證一條方五首

師曰病跌陽其人但能前不能却刺腓入二寸此太陽經傷也

論 腓名承筋在上股起肉處脚跟上七寸腓之中陷者是法不可刺或刺轉深遂傷其經以致能前而不能却此仲景自註已詳

病人常以手指臂腫動其人身體瞶瞶者藜蘆甘草湯主之

証凡動皆屬風而腫屬濕故肝木主風血虛則風生氣虛則濕襲手臂腫且動知其血不足以養筋、陽亦不能以自固而身體之瞶勢不得已矣豈非有痰氣在筋節間乎夫見於外者未有不因于內者也窺仲景有吐之法惜平方缺焉耳

轉筋之爲病其人臂脚直脈上下行微弦轉筋入腹者雞屎白散主之

雞屎白散

雞屎白一味爲散取方寸七以水六合和溫服
轉筋者脾胃土衰肝木自甚心火燥爍于筋則
筋攣而痛故風氣甚急則肝血失養筋失其柔和
之性乖其屈伸之節故臂脚直至脈直上下行者
乃督衝之爲病何者督脈循陰器陰器者宗筋所
主也衝脈爲肝之募肝木多風則衝亦病矣若微
弦則轉入于內爲病較重因以雞白屎投之其肝
邪外出耳

陰狐疝氣者偏有大小時時上下蜘蛛散主之
蜘蛛散方

蜘蛛熬魚

桂枝半兩

二味爲散取八分一匕飲和服日再服蜜圓亦可

痙厥陰之筋病也狐陰獸善變化而藏羣丸上下

有若狐之出入無時也足厥陰之筋上循陰股結

於陰器筋結故偏有小大氣病故時時上下也蜘蛛

布網取物其絲右繞從朴而內大風不壞得乾

金旋轉之義故主治風木之妖狐配桂枝以宣散

厥陰之氣結

問曰病腹痛有蟲其脈何以別之師曰腹中痛其脈
當沉若弦反洪大故有蚘蟲

肝痛中土之爲病也腹爲陰痛爲陰經故
脈當沉若脈弦是見厥陰風木之象矣反洪大者
風木盛而生火風木之邪賊傷中土濕熱不攘則
生蟲故曰諸蟲皆生于風也東方生風在地爲木
在體爲筋在藏爲肝風傷筋此因風傷而生蟲故
蟲乃厥陰肝筋之爲病也是以傷寒虬厥在厥陰
篇內此章虬痛列於筋病篇中

虬蟲之爲病令人吐涎心痛發作有時毒藥不止甘

草粉蜜湯主之

甘草粉蜜湯方

甘草二兩

粉一兩

蜜四兩

右三味以水三升先煮甘草取二升去浮內粉蜜攪令利煎如薄粥溫服一升差卽止

辨夫飲食入胃胃中有熱則蟲動蟲動則胃緩胃緩則廉泉開故吐涎虵上入膈故心痛虵聞食臭出得食則安故發作有時也毒藥不止者虵惡之不食也虵喜甘故用甘草蜜之甘隨所欲而攻之胡粉甘寒主殺三蟲虵得甘則頭向上而喜食食之卽死此反佐以取之也

虵厥者當吐虵今病者靜而復時煩此爲藏寒虵上

人膈故煩須臾復止得食而嘔又煩者虬聞臭即其
人當自吐虬

論精厥者虛熱而手足厥冷也虬厥者當吐熱病
者靜而煩時煩吐因肝藏寒而虬止人膈故煩蓋
言虬止於肝因臟寒而上入於膈也須臾復止得
食而嘔又煩者此虬聞食臭而出於胃故其人常
自吐虬蓋言虬因風而生於肝藏寒則上入膈故
食臭則出于胃也

虬厥者烏梅丸主之

烏梅丸方

烏梅三百箇

細辛

桂枝去

人參

附子炮

黃檗各六兩

乾薑十兩

川椒去

當歸各四兩

黃連一斤

右十味異搗篩合治之以苦酒漬烏梅一宿去核蒸之五升米下飯熟搗成泥和藥令相得內中與蜜杵二千下圓如梧子大先食飲服十圓日三服稍加至二十圓禁生冷滑臭等物

烏梅味酸入肝梅得先春之氣主助生陽而禁諸細辛發少陽之初陽以助陽氣之不足也黃連能助少陰之血液以資肝藏所藏之血黃連能助

心火以殺虵益子氣也附子配黃柏資腎氣以回厥助母氣也乾薑佐人參補中焦而止嘔桂枝制風木疎肝鬱陰陽和而厥逆回風邪散而氣血足治虵厥之法備已 虵之化生有若蜥蜴生長極速

卷十九終